

山深路僻行人少盡日幽巖聽啼鳥無客相陪皓月中有時獨
立青雲表雲表孤吟百邪遠天涯一覽羣山小調高風急韻悠
颺清絕步虛神縹緲憶昔重陽泛天角清吟欲序乾坤樸鈞拔
扶風人不知測量大海余先覺入神妙致應難辨出俗玄談非
所學返觀今日道崢嶸始得他年功卓犖首及東牟演仁孝未
能化俗開籠罩五會軒軒立五名宣海金蓮登州玉華萊州三
平等文登七寶福山三光
州衮衮崇三教出神人夢人驚駭擲蓋投冠予計較師居東海
乃猶龍馬入西秦還變豹丹陽寔道隆於棧右也大定己丑夏
四月余與丹陽等數人從重陽師自
文登如宣海時邁龍泉曰氣稱熾師命余等前已執傘在後距
半里許余忽回顧見傘騰空而起余急返走問之云搏扶搖而
上不知其然而然初傘起東北望之冉冉墜於沙間指其方而
覓之了無所也時余法眷翁陽子王公隱於東海隅之查山山
道藏輯要 礪溪集 又胃集三

逍遙吟

十洲三島兮巨海之中瓊樓絳闕兮參差半空松陰密鎖兮無
畏日執扇不搖兮有清風流金熱佩玉真仙未嘗說水晶宮殿
開寶座星辰列碧虛懸象透樓臺清淨化身非骨血本來身自
通神談笑忽驚天上人

自在吟

瑤臺閬苑兮碧漢之中祥雲瑞炁兮盈盈滿空羣仙出沒兮灑

清雨萬化開坼兮動香風炎蒸熱那裏人家不會說煙收洞府
開門倚星河列九天時復會嘉賓萬里不須乘汗血物外身自
清神誰羨登樓搖扇人

望海吟

余觀天下形勢壯觀自潼關以東淮水以北無出登州因作
望海吟用紀其實

蓬萊僻東隅壯觀天下絕地隣仙聖域山枕魚龍穴憑高望義
和目極猶未徹蒼蒼天水迴泛泛雪霞泄長風起波濤萬里卷
霜雪憑凌登島嶼混莽失邱垤有時靈氣和變化非常別森羅
無限景欲辨難措舌大哉百谷王沈沈洞清徹隨時潮有信歷
代早無竭人間頃畝池是處廣開列比之鯨波大壯若蛙井劣
望音平洋不見端滿天自巖潔厥流莫渾濁萬古超生滅

仙游吟

圓苑紅塵外瑤臺碧漢間洞中仙不老雲外客長閑赤鳳吟丹
穴紅旆吹藥欄青衣傳詔下白鶴送書還宴赴瓊林會詩裁羽
容班浩歌金母殿長嘯玉龜山果結三千歲樓高十二環穆王
何日到方朔幾時攀姑射肌猶潔雙成貌更殷飛瓊投月窟弄
玉繩華鬢命駕遊三島搏風過百蠻周旋窺海嶽奮擲上天關
蕩蕩空無極滔滔與未闌恢然超法界不復戀人寰

頌二首

道藏輯要

磻溪集

三

又胃集三
川文八